



Radiotelevisiun
Svizra Rumantscha

Commentari

Iniziativa secundas abitaziuns

Da Gian Ramming, schefredactor RTR

I resta in malesser

Dumengia, 11 mars 2012

La sensaziun è perfetga. La svizra di gea a la limitaziun da las abitaziuns secundaras. Nagin avess cret, era ils iniziants betg. Ma alura pertge quest resultat?

Senza dubi: durant ils ultims decennis èn vegnidas construidas abitaziuns secundaras senza misericordia. Almain qua tar nus en Grischun ed anc en in intginas autras regiuns turisticas da noss pajais. Ed i n'è betg da snegar che las regiuns pertutgadas han ditg gì millis schas e mas avant che introducir mesiras per franar quest svilup excessiv.

Oz è vegnì preschentà il quint ad els. Sez la culpa pudess ins dir. Tgi che na bada betg, ch'el è sin ina nauscha via, a quel sto vegnir ditg ch'el sto midar direcziun.

Precis quai ha fatg la bassa cun ils chantuns alpins. E precis qua giascha la raschun pertge ch'il resultat stat sin il stumi. Vul dir: decis han oz quels che



Radiotelevisiun
Svizra Rumantscha

n'èn betg propi pertutgads da las consequenzas. Magari è quai era la raschun per lur gea, magari è quai pli facil d'esser per la protecziun da la natira, sche quai na pertutga betg mes mintga di, mia regiun, ma be il lieu da mias vacanzas. Ins na po betg reproschar a las regiuns muntagnardas sche han il sentiment d'esser vegnì maiorisads da Turitgais, Genevrins e Basilais.

Ussa ston ins guardar, co che l'iniziativa vegn realisada. Facil na vegn quai betg ad esser. Introducir la quota naziunala en mintga chantun da noss pajais n'è betg pussaivel. Quai san era ils iniziants. Els avevan perquai annunzià, ch'i fa da basegn da chattar soluziuns individualas. E quai è la segunda raschun pertge che l'iniziativa stat sin il stumi. Ella pretenda insatge che n'è betg realisabel, ed ella sa quai bel e bain. In agir sincer? Pertge scriver in artigel en la constituziun che ristga da restar per buna part palpiri? Cun l'iniziativa da las alps avain nus fatg l'experientscha, pertge repeter ella?

Ed ussa? Or dal punct da vista da la periferia fa il resultat dad oz pauc gust. Ma forsa metta el en moviment in svilup, vi da quel nagin ha pensà fin ussa. I na fiss betg l'emprima giada che ina decisiun maina a resultads nunspetgads.